

**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**UNIVERZITET U SARAJEVU - PRAVNI FAKULTET**

05-04.21

Molčić

Broj: 01-552/21  
Sarajevo, 02.04.2021. godine

Na osnovu člana 160. stav 9. Zakona o visokom obrazovanju Kantona Sarajevo („Službene novine Kantona Sarajevo“ broj: 33/17, 35/20, 40/20), člana 28. stav 3. Statuta Univerziteta u Sarajevu, broj: 01-1093-3-1/18 od 28.11.2018. godine, člana 9. Jedinstvenog pravilnika o radu Univerziteta u Sarajevu od 19.09..2019. godine i člana 32. i 33. Pravilnika o unutrašnjoj organizaciji i sistematizaciji radnih mjesta na Univerzitetu u Sarajevu br. 02-90/19 od 19.09.2019. godine, Nastavno-naučno vijeće, na LXXII (elektronskoj) sjednici održanoj dana 01.04.2021. godine od 10:00 sati do 18:00 sati, utvrdilo je sljedeći prijedlog

### **ODLUKE**

#### ***o izmjeni i dopuni Prijedloga Pravilnika o unutrašnjoj sistematizaciji i organizaciji radnih mjesta Pravnog fakulteta Univerziteta u Sarajevu od 13.11.2019. godine***

I - Dopunjava se član 2. Prijedloga Pravilnika o unutrašnjoj sistematizaciji i organizaciji radnih mjesta Pravnog fakulteta Univerziteta u Sarajevu (u daljem tekstu: Prijedlog Pravilnika) tako da se dodaje novi stav 2. koji glasi:

*„Uže naučne oblasti na Fakultetu su: međunarodno pravo, radno i socijalno pravo, teorija prava i države, upravno pravo i uprava, ustavno pravo, pravo i društvo, građansko pravo i građansko procesno pravo, porodično pravo, trgovačko pravo i pravo privrednih društava, međunarodno privatno pravo, evropsko privatno pravo, pravo intelektualnog vlasništva, pravna historija, komparativno pravo, rimsko pravo, krivično pravo, krivično procesno pravo, ekonomsko pravo, finansijsko pravo.“*

a dosadašnji stav 2. postaje stav 3.

II - Mijenja se član 54. Prijedloga Pravilnika u dijelu broja izvršilaca, tako da isti u tom dijelu sada glasi:

#### **„Broj izvršilaca:**

Broj i struktura nastavnog osoblja odgovarajućeg zvanja utvrđuje se u skladu sa Zakonom, a na osnovu nastavnog plana i programa, vrste studija (I, II i III ciklus studija prava), dinamičkog plana potreba za raspisivanje konkursa za izbor u akademska zvanja, broja studenata na predavanjima, vježbama i drugim oblicima nastavnog procesa, te na osnovu nastavnog opterećenja u toku jedne studijske godine.

studenata na predavanjima, vježbama i drugim oblicima nastavnog procesa, te na osnovu nastavnog opterećenja u toku jedne studijske godine.

Za izvođenje nastavno-naučnih poslova svaki nastavni predmet u okviru naučnih oblasti ima verificiranog nastavnika.“

III - Mijenja se član 56. Prijedloga Pravilnika u dijelu broja izvršilaca, tako da isti u tom dijelu sada glasi:

**„Broj izvršilaca:**

Broj i struktura saradničkog osoblja odgovarajućeg zvanja utvrđuje se u skladu sa Zakonom, a na osnovu nastavnog plana i programa, vrste studija (I, II i III ciklus studija prava), dinamičkog plana potreba za raspisivanje konkursa za izbor u akademska zvanja, broja studenata na predavanjima, vježbama i drugim oblicima nastavnog procesa, te na osnovu nastavnog opterećenja u toku jedne studijske godine.

Za izvođenje saradničkih poslova svaki nastavni predmet u okviru naučnih oblasti ima verificiranog saradnika.“

III - Ostale odredbe Prijedloga Pravilnika ostaju neizmjenjene.

IV - Odluka stupa na snagu danom donošenja.


### ***Obrazloženje***

Dana 17.03.2021. godine Pravni fakultet Univerziteta u Sarajevu (u daljem tekstu: Fakultet) je primio Dopis Univerziteta u Sarajevu, kojim mu se dostavlja Mišljenje Ministarstva za nauku, visoko obrazovanje i mlade Kantona Sarajevo br. 27/02-02-2897-20/21 od 10.03.2021. godine (u daljem tekstu: Mišljenje). Mišljenjem je utvrđeno da je Prijedlog Pravilnika izrađen uz primjenu principa funkcionalne integracije Univerziteta u Sarajevu, a posebno u odnosu na ekonomsko-finansijske, administrativno-pravne, studijsko-analitičke, stručno-operativne, informaciono-dokumentacione i druge poslove koji se odvijaju na Fakultetu, te je data instrukcija da se Prijedlog Pravilnika koriguje i na osnovu člana 104. stav (2) tačka e) Statuta, putem rektora, uputi Upravnom odboru Univerziteta u Sarajevu. Mišljenjem su utvrđeni nedostaci koji se odnose na „radna mjesta akademskog osoblja, koja nisu posebno razdvojena i nije naveden broj izvršilaca“, pa je u tom smislu naložena korekcija Prijedloga Pravilnika.

S' obzirom na navedeno, donesena je odluka kao u izreci.

**DOSTAVLJENO:**

1. UNSA
2. a/a

**DEKANESA**  
  
**Prof. dr. Hajrija Sijerčić-Čolić**

**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**UNIVERZITET U SARAJEVU - PRAVNI FAKULTET**

01.04.21

Glavica

Broj: 01-559/21  
**Sarajevo, 02.04.2021. godine**

Na osnovu člana 160. stav 9. Zakona o visokom obrazovanju Kantona Sarajevo („Službene novine Kantona Sarajevo“ broj: 33/17, 35/20, 40/20), člana 28. stav 3. Statuta Univerziteta u Sarajevu, broj: 01-1093-3-1/18 od 28.11.2018. godine, člana 9. Jedinstvenog pravilnika o radu Univerziteta u Sarajevu br. 02-89/19 od 19.09.2019. godine i člana 32. i 33. Pravilnika o unutrašnjoj organizaciji i sistematizaciji radnih mjesta na Univerzitetu u Sarajevu br. 02-90/19 od 19.09.2019. godine, Nastavno-naučno vijeće je na LXXII (elektronskoj) sjednici održanoj dana 01.04.2021. godine od 10:00 sati do 18:00 sati utvrdilo sljedeći prijedlog

### **ODLUKE**

#### ***o usvajanju konačnog Prijedloga Pravilnika o unutrašnjoj sistematizaciji i organizaciji radnih mjesta Pravnog fakulteta Univerziteta u Sarajevu***

I - Usvaja se konačni Prijedlog Pravilnika o unutrašnjoj sistematizaciji i organizaciji radnih mjesta Pravnog fakulteta Univerziteta u Sarajevu (u daljem tekstu: Prijedlog Pravilnika) koji je sastavni dio ove Odluke.

II - Odluka stupa na snagu danom donošenja.

### **Obrazloženje**

Nakon usvajanja Jedinstvenog Pravilnika o radu Univerziteta u Sarajevu br. 02-89/19 od 19.09.2019. godine i Pravilnika o unutrašnjoj organizaciji i sistematizaciji radnih mjesta na Univerzitetu u Sarajevu br. 02-90/19 od 19.09.2019. godine, Pravni fakultet Univerziteta u Sarajevu (u daljem tekstu: Fakultet) je bio obavezan donijeti opći akt – Pravilnik, kojim se uređuju sistematizacija i organizacija radnih mjesta. Ovim općim aktom Fakulteta preciznije se uređuju načela funkcionalne integracije u pogledu ekonomsko-finansijskih, administrativno-pravnih, studijsko-analitičkih, stručno-operativnih, informaciono-dokumentacionih i drugih poslova koji se odvijaju na Fakultetu.

Nakon što je donijeta Odluka br. 01-2030-3/19 od 13.11.2019. godine kojom je utvrđen Prijedlog Pravilnika, isti je, putem Univerziteta u Sarajevu dostavljen Ministarstvu za nauku, visoko obrazovanje i mlade Kantona Sarajevo, obzirom da prije usvajanja Pravilnika od strane Upravnog odbora Univerziteta u Sarajevu, Fakultet ima obavezu prethodno pribaviti mišljenje u odnosu na primijenjenost principa funkcionalne integracije. Primijenjenost principa funkcionalne integracije posebno se procjenjuje u odnosu na službe iz člana 160.

stav 7. Zakona o visokom obrazovanju Kantona Sarajevo („Službene novine Kantona Sarajevo“ broj: 33/17, 35/20, 40/20).

U tom kontekstu, sagledavajući postojeće stanje i stvarne potrebe, Prijedlogom Pravilnika je utvrđen broj izvršilaca na svim radnim mjestima koji su vezani za prijem u radni odnos nenastavnog osoblja.

Imajući u vidu da se akademsko osoblje (nastavnici i saradnici) bira za uže naučne oblasti (međunarodno pravo, radno i socijalno pravo, teorija prava i države, upravno pravo i uprava, ustavno pravo, pravo i društvo, građansko pravo i građansko procesno pravo, porodično pravo, trgovačko pravo i pravo privrednih društava, međunarodno privatno pravo, evropsko privatno pravo, pravo intelektualnog vlasništva, pravna historija, komparativno pravo, rimsko pravo, krivično pravo, krivično procesno pravo, ekonomsko pravo, finansijsko pravo), te da mogu sudjelovati u realizaciji nastavnog procesa u skladu sa odlukom o izboru akademsko zvanje, na taj način je određen broj i struktura nastavnika i saradnika.

**DOSTAVLJENO:**

1. UNSA
2. a/a

**DEKANESA**

*Prof. dr. Hajrija Sijerčić-Čolić*